

No. 136. 1423. 1. Aug.

Kurfürst Friedrich I. ertheilt dem Rath und der Bürgerschaft eine Zusicherung wegen des auf sein Geheiss dem Markgrafen Wilhelm in Bezug auf den Zeitzer Vertrag geleisteten Eides.

Wir Friderich von gotes gnaden herczoge zcu Sachsen des heiligen Romischen richs erczmarschalk, lantgraue in Doringen vnd maregraue zcu Missen bekennen — als die ersamen wiesen lute raczmeister, rete vnd die ganzeyne der stad Lipczk vnser liben getruwen dem hochgeborn fursten hern Wilhelme lantgrauen in Doringen vnd maregrauen zcu Missen vnserm liben bruder von vnser geheisses wegen gered globet vnd liplichin zcun heiligen gesworn habin, were daz wir der richtunge vnd eynunge, die czwischen dem genanten vnserm liben bruder vnd vns nehst zcu Cicze bered vnd geteidinget worden ist, nicht hilden, das sich denne die genanten raczmeister, rete vnd die gemeyne zcu Lipczk an den genanten vnsern liben bruder halten sollen, als das unser briue, die wir darobir gegeben habin, vzwiesen, das wir die genanten raczmeister, rete vnd gemeyne zcu Lipczk, ab sie sich in sulcher maße an vnsern bruder halten wurden, darumbe vnbehabt vnd vnuerdacht lassen wollen ane geuerde; vnd habin des czubekentniß vnser insigel wissentlichin an diesin briff lassen hengen. Gegeben zcu Wissensuels am suntage sente Peters tage ad vineula genant nach gotes gebort virezenhundirt iar vnd darnach in dem drievndczwenzigisten iare.

Nach dem Orig. im Rathsarchiv zu Leipzig mit dem Siegel an einem Pergamentstreifen.

No. 137. 1423. 23. Nov.

Abt Vincenz und der Convent zu Altzelle verkaufen Hans Banczman und Hans Huter den Klosterhof bei den Barfüßern unter Vorbehalt eines jährlichen Zinses und des Vorkaufsrechts bei Weiterveräußerung.

Wir Vincencius apt zcur Celle, Petrus prior, Laurencius supprior, Petrus Kelner, Johannes bursarius, Petrus sichmeister, Andreas pfortmeister vnde die ganzeyne sampnunge do selbst bekennen in dissem offen briue vor vns vnde vor alle vnser nochkomen allen, die on sehen addir horn lesen, das wir mit guthem vorrathe vnde mit wolbedochtem mute den ersamen wiesen Hans Banczman vnde Hanse Huter vnde iren rechten erben vnser closters hoff, der in der stad Lipczk bie dem Barbissen clostir gelegen ist^{a)}, vorkoufft haben vnde haben den selbigen hoff den egenanthen Hanse Banczman vnde Hanse Huter vnde allen iren rechtin erben gegeben vor achezen guthe Rinische guldin sweres gewichtes vnde guthes goldes, die sie vns bereithe ganz gar vnde wol bezalt haben vnde die wir vorbas in vnser clostirs nütz vnde fromen zo wir beste mochten kuntlich gekard vnde gewand haben. So sullen ouch die obgenanthen Hans Banczman vnde Hans Huter ader ire rechtin

a) Vgl. No. 4.